



CONSTITUTION OF HOCKEY MIZORAM

ARTICLE – 1

- 1.1 PAWL HMING : HOCKEY MIZORAM**
1.2 Din ni : 15th January 2012
1.3 Affiliation : Regn. No. 623 of 02.04.2015
1.4 Motto : Hockey for Unity
1.5 Headquarter : Aizawl
1.6 Hockey Mizoram headquarter-ah chuan District Hockey Association zawng zawng an inthlung khawm vek ang.

ARTICLE - 2

EMBLEM :

- 2.1 Rin bial pahnih chhungah Mizoram Map a awm ang.
2.2 Map chhungah Hockey Stick pahnih a cross (kawkalh) in an awm ang.
2.3 Stick karah Ball pakhat a awm ang.
2.4 Stick chungah Hockey Mizoram tih a chuang bawk ang.
2.5 Rin bial te zawk hnuai, vei lamah ESTD, dinglamah 2012 tih a chuang bawk ang.

ARTICLE - 3

FLAG :

- 3.1 Flag rawng chu a var (white colour) a ni ang.
3.2 Alai takah Emblem a awm ang.
3.3 Emblem chung lamah HOCKEY MIZORAM tih a kualah (semi circle) ziaq ani ang.
3.4 Emblem hnuai lamah MIZORAM tih ziah bawk tur.
3.5 A chung lam kil leh lamah ESTD leh lamah 2012 tih a awm bawk ang.
3.6 Flag len zawng ratio : 3” : 2³/4, - 2/6:4)

ARTICLE – 4

PAWL THIL TUM TE :

- 4.1 Thalaite'n Hockey phur taka an khelh theih nana hmalak.
4.2 Hockey Players ten Hockey khela eizawna an neih theih nan leh ram leh hnam tana mi hman tlak ni tura chher chhuah.
4.3 Thalaite ruihtheih thil laka an fihlim theih nana hmalak.
4.4 Taksa hriselna leh rilru thianglim an neih nana hmalak.

ARTICLE - 5

MEMBERSHIP :

Hockey Mizoram member ni tur chuan Kum 18 (Sawm pariat) chin, pawl inkaihhruaina zawm thei leh Mizoram khua leh tui dik tak a ni tur a ni.

ARTICLE - 6

- 6.1 Hockey Mizoram chu Hockey India-ah a in Affiliate tur a ni.
- 6.2 Mizoram Administration District tinah District Hockey din tur a ni ang.
- 6.3 District tin te chu Hockey Mizoram-ah Affiliation an ti tur a ni.
- 6.4 District chhunga Unit/Club zawng zawng ten District Hockey Association-ah Affiliation an ti ang.
- 6.5 Mizoram chhunga Hockey Game khel duh Institution te an awm anih chuan dilna siamin Hockey Mizoramah an thehlut anga, Executive Committee-in rem a tih chuan Associate Member-ah pawm tur a ni ang.

ARTICLE - 7

TERMINATION OR CESSATION OF MEMBERSHIP

Executive Committee-in a tul anga Affiliated Member te thunun leh ban theihna a nei ang.

A hnuai chhan hrang hrangte avang hian member an nihna hlihsak theih an ni ang.

- 7.1 Vanduai avanga mi a boralin.
- 7.2 Ziaka banna an thehluhin.
- 7.3. Khawtlang leh Sawrkar do zawnga hma an lakin.
- 7.4 Thil dik lo tih avanga, Court-a thubuai an neihin.
- 7.5 Hockey Mizoram hmalakna leh hmasawwna tithuanawp zawnga hma an lakin.
- 7.6 Hockey Mizoram thiltihna (programme-ah) a zawna vawi-3 (thum) an tel lohvin.
- 7.7 Pawl Dan leh Hrai a/an pawisak lohvin leh Executive Committee thuchhuak an zawm lohvin.

ARTICLE - 8

RE-ADMISSION :

Engemaw avanga Affiliated Member ban tawh ten Member nihna an rawn dil leh chuan, an mahni zir chiangin Executive Committee-in a pawm chuan lakluh leh theih an ni ang.

ARTICLE - 9

REGISTRATION OF MEMBERS AND FACILITIES

Hockey Mizoram bungrua leh thil neih zawng zawng te chu register-ah ziak lutin General Secretary in a vawng thlap ang.

ARTICLE – 10
GENERAL BODY DEFIND :

Hockey Mizoram, Office Bearers leh Executive member-te leh District Hockey Association tin aiawh mi pahnih (hmeichhia pakhat leh mipa pakhat) te chu ‘**General Body**’ tih an ni ang.

ARTICLE - 11
GENERAL BODY MEETING :

- 11.1 General Body Meeting-a Agenda tur chu Executive Committee-in a siam thin ang.
- 11.2 Affiliated District tin atangin aiawh pahnih (2no) hmeichhia pakhat leh mipa pakhat an ni ang.
- 11.3 General Body Meeting neih hma ni 15 tal la awmah thu thehluh tur nei chuan thehluh tur a ni a, thurel turte leh thil tul dangte chu member-te hnenah hriattir lawk tur a ni.
- 11.4 General Body Meeting hi kum tin vawi khat neih thin tur a ni.
- 11.5 Member zawng zawng hmun thuma thena hmun hnih (2/3rd) an kal khawm chuan rorel theih (quorum) a ni ang.

ARTICLE - 12
RIGHT & PREVILEGES OF MEMBERS :

Hockey Mizoram Member zawng zawng-te chu :

- 12.1 Meeting, Culture, Education, Function leh Society in thil tikhawm a neih apiangah tel phal a ni ang.
- 12.1 Hockey Mizoram-in Fee a tuk chawiin ID Card an siam thei ang.

ARTICLE - 13
DUTIES OF MEMBERS :

Hockey Mizoram Member zawng zawng te chu :

- 13.1 Office Bearer thlanna-ah an tel tur a ni.
- 13.2 Meeting leh pawl thil tihna hrang hrang-ah a kim thei ang berin an tel an tum ang.
- 13.3 Pawl hmasawna tur leh hmalakna awm thei chite leh pawl tana thu/thil tangkai tur an hriat chuan pawl an hrih thin ang.
- 13.4 Pawlin dan leh hrai a zamte a kim thei ang berin an zawm ang.

ARTICLE - 14
OFFICE BEARER AND EXECUTIVE MEMBER :

Hockey Mizoram chuan Pawl enkawltu leh khaiding tu a nei ang a, chungte chu Executive member tih an ni ang.

- 14.1 Executive member chu mi 20 aia tlem lo, mi 30 aia tam lo an ni tur a ni.
- 14.2 Term khat chu kum thum (3 years) chhung a ni ang.
- 14.3 Meeting neih anih dawnin a hma ni sarih(7days) a la awmin memberte hriattirna pek thin tur a ni a, meeting kohna ah hian thurel tur Agenda tarlan tur a ni.
- 14.4 Executive Meeting chu thla thum(3month) danah vawikhat tal neih tum tur a ni.

- 14.5 Emergent Meeting darkar 24 chhung hun pea neih tur a nihin rorel thei chin 2/3rd (hmun thuma thena hmun hnih) an tling ngei ngei tur a ni.
- 14.6 Headquarter chhungah buaina a awm anih chuan President in Mizoram State Sports Council-ah a thlen ang.
- 14.7 Pawl thiah ngai khawpa buaina a awm anih chuan bungrua zawng zawngte Mizoram State Sports Council-ah thehluh vek tur a ni ang.

ARTICLE - 15

COMPOSITION OF EXECUTIVE COMMITTEE :

Executive Member siam dan chu hetiang hi a ni ang :

- | | | | |
|------|-----------------------|---|-----|
| 15.1 | President | - | 1no |
| 15.2 | Senior Vice President | - | 1no |
| 15.3 | Vice President | - | 3no |
| 15.4 | General Secretary | - | 1no |
| 15.5 | Joint Secretary | - | 2no |
| 15.6 | Treasurer | - | 1no |
| 15.7 | Finance Secretary | - | 1no |
- 15.8 Executive Member tur te hi Office Bearer in an ruat thin ang.
- 15.9 Executive Member nilai te chuan District-ah nihna an nei thei lovang.

ARTICLE - 16

TERMINATION OF MEMBERS OF EXECUTIVE COMMITTEE

Executive Committee Member tupawh thunun/ban ngai an awm chuan **Article - 7** in a sawi angin an chungchang ngaihtuah tur a ni ang.

ARTICLE - 17

FUNCTIONS AND POWER OF EXECUTIVE COMMITTEE :

- 17.1 Pawl inkaihhraina Pawl tana tul reng reng ngaihtuahtu an ni ang. Tul an tih anga chanvo hrang hrang pawh ruat theitu an ni.
- 17.2 Thutlukna reng reng a tam zawk duh dan angin an siam thin tur a ni.
- 17.3 Pawl chungchangah thuneihna vawrtawp an nei anga, Pawl hnathawh dan tur rel fel tu leh inthlan pawh a hun leh ni thlenga ruat theitu an ni ang.
- 17.4 Executive Committee hian hengah te hian thuneihna a nei bawk ang:
- 17.4.1 Pawl hmalakna tur ruahmanna kawng engkimah.
- 17.4.2 Pawl inthlan chungchangah te, Election Officer leh thuneihna ruat kawngah.
- 17.4.3 Senior Adviser leh Patron ruat tur chung changah tul an tih chuan an ruahman thei ang.

ARTICLE - 18

RESTRICTION OF HOLDING OFFICE

Tupawh Executive Member-te an chungchang ngaihtuah mek leh Sorkar leh khawtlang thila hming chhiatna leh thubuai neite chuan Pawl hruaitu nihna an chelh thei lovang. Sorkar hnathawk Pawla hruaitu ni tur chuan department hotute phalna an la hmasa tur a ni

ARTICLE - 19

POWER AND DUTIES OF OFFICE BEARERS :

Office Bearer hrang hrangte dinhmun leh an mawh phurhna theuh te chu hetiang hi a ni :-

- 19.1 **President :** Hruaitu lu ber a ni a, Executive Meeting zawng zawng leh General Body Meeting a kaihhruai ang. Thil pawimawh a awmin pawl tan pawisa Rs 30,000/- (Singthum) a sanction thei ang a, an hman atanga Executive Committee hmasa berah pawmpui turin a pharh ang.
- 19.2 **Senior Vice President :** Kawng engkimah President a pui ang a, President awm lohin President mawhphurhna a la ang.
- 19.3 **Vice President :** Kawng engkimah President / Senior Vice President a pui ang. President/Senior Vice President an awm lohin mawhphurhna a la ang.
- 19.4 **General Secretary :** Ziaktu lu ber a ni. Meeting hrang hrang Record-tu leh bawhzui kawngah mawh a phur ang. Hockey Mizoram lehkhah lut leh chhuakte fel taka vawn leh indawrna a keng tel ang.
- 19.5 **Joint Secretary :** General Secretary a pui ang a, General Secretary a awm lohin a ai a awh ang.
- 19.6 **Treasurer :** Sum vawngtu ani ang a. Pawl sum him taka vawngtu leh fel taka pe chhuaktu a ni a, harsatna a awmin President a hriattir thin ang.
- 19.7 **Finance Secretary :** Pawl sum che vel fel tak leh kim taka ziaktu a ni a. Amah kaltlangin pawl pawisa dawn leh pek chhuah tur a ni. Account fel takin a vawng ang. Account enkawl leh Treasurer sum kawl a inmih thlap reng tur a ni.
- 19.8 **Executive Committee Member :** Executive Committee member tih hian pawl hruaitu Office Bearer leh Executive Committee atana ruatte a huam ang. Tha takin Committee a kal thin ang, committee a kal theih loh in General Secretary hnenah phatna a hriattir thin ang.

Executive Committee Member a zawna vawi thum (3nos) kal lo, pha baw si lo chu, mahni inban anga ngaih a ni ang a, Committee hriattirna leh thil pawimawh reng reng pek a ni tawh lovang.
Executive Committee in tul atih chuan Patron pakhat(1no) leh Adviser pahnih(2nos) a ruat thei ang.

ARTICLE -20

FILLING UP OF CASUAL VACANCIES

Engemaw vanga hun laklawhah pawla nihna bansan an awm a nih chuan a aiawh tur a tul angin Executive Committee-in a ruat thei ang a, General Body meeting neih leh hmasak berah pawmpui tur a ni.

ARTICLE - 21

APPEAL :

Thurel fel lo emaw thil lo tih tawh siam that leh chungchangah emaw thu thlen leh a nih chuan Committee in a tul angin a ngaihtuah ang a, Executive Committee thutlukna hi thu tawp a ni ang.

ARTICLE - 22

ELECTION:

- 22.1 Term hmasa a tawp rualin, Hockey Mizoram hrulaitu thlanna hi **January** thla chhung ngeia neih thin tur a ni. Inthlanna tul leh pawimawh hi Executive Committee in an buaipui thin ang.
- 22.2 General Body Meetingin **kum thum (3)** chhung atan Office Bearer (OB) tur a thlang chhuak thin ang.
- 22.3 Mi pakhat (1) in Office Bearer post ngai hi a zawnin **Term hnih (Kum 6)** aia rei a chelh tur a ni lo.
- 22.4 Executive Committee in Returning Officer (RO) leh Polling Officer (PO) tur pawnlam mi a ruat thin ang. Anni hian inthlan an kaihruai ang.
- 22.5 Executive Committee in Official Nomination siam tha an tih leh tih loh an rel thin ang.
- 22.6 Executive Committee in Floor Nomination siam tha atih leh tih loh a rel thin ang. Floor Nomination tur bik hi Open Nomination ani anga, mi pathum(3) aia tam phal ani lo ang.
- 22.7 Office Bearer thlanna hi **Secret Ballot** a thlan thin tur a ni ang. Mi pakhatin Vote khat (1) bak a nei thei lo ang.
- 22.8 Executive Committee in tha a tih angin Post by Post emaw Office Bearer awm zat vawi khata thlan chhuahin emaw inthlan dan tur chu a rel thin ang.
- 22.9 Post by post a inthlan anih chuan Vote hmusang ber chu tlinga puan ani ang. Vote hmusang inang an awm anih chuan a Vote hmusang ate chu Vote hmanga thlan that leh an ni ang. An vote hmuh ala inang zel anih chuan Returning Officer-in thutlukna a siam thei ang.
- 22.10 Post by Post ni lova, Office Bearer awm zat vawi khata thlan chhuah tawp a nih chuan Returning Officer hriatpuina / kaihruaina-in nihna an siam rem thin ang.
- 22.11 Hockey Mizoram hrulaitu (Office Bearer) tur chu Mipa leh Hmeichhia an inzat tur a ni.
- 22.12 Hockey Mizoram Office Bearer atan Aizawl Khawpui chhung ami chauh thlan tur a ni.
- 22.13 Hrulaitu thlan thar te leh a hlui te chu inthlan zawh atanga ni sawm panga (15 days) ral hma ngeiin charge an inthlan thin ang.
- 22.14 Inthlan chungchanga sawiselna (complain) a awm anih chuan Returning Officer hnenah darkar 24 (24hrs) ral hma ngeiin ziakin an thehltur tur a ni.

ARTICLE - 23

INTHLANNA A VOTE NEI THEI TUR TE :

- 23.1 Hockey Mizoram Executive Committee member ni lai inthlanna hmuna awm te.
- 23.2 Hockey Mizoram Patron leh Adviser nilai, inthlanna hmuna awm te.
- 23.3 District Hockey Association Office Bearer ni lai **pahnih (2) mipa pakhat leh hmeichhia pakhat** zelin vote an nei thei ang.

ARTICLE - 24

DISTRICT HOCKEY :

- 24.1 Association chu 'District Hockey Association' (DHA) tih a ni ang.

ARTICLE - 25

HEADQUARTER AND JURISDICTION :

- 25.1 DHA headquarter chu District Capital zel a ni ang.
- 25.2 DHA thuneihna chu District huam chin zel a ni ang.
- 25.3 DHA Office Bearer leh Executive term (hun chung) chu Kum hnih atan a ni ang.

ARTICLE – 26

OFFICE BEARES

- 26.1 District Hockey Association (DHA) Office Bearer chu hetiang hi an ni ang.
 - 26.1.1 President - 1no
 - 26.1.2 Vice President - 1no
 - 26.1.3 Secretary - 1no
 - 26.1.4 Asst. Secretary - 1no
 - 26.1.5 Treasurer - 1no
 - 26.1.6 Finance Secretary - 1no
- 26.2 DHA Office Bearer te hi Mipa leh Hmeichhia an inzatz tur a ni ang (Mipa pathum, hmeichhia pathum).
- 26.3 DHA ten tul an tih chuan Sr.Vice President post leh Assistant Secretary post dang pakhat ve ve an nei / ruat thei ang.
- 26.4 DHA Office Bearers ten Executive member tur an ruat thin ang. Executive member hi mi **sawm (10)** aia tlem lo, mi **sawmhnih (20)** aia tam lo an ni ang. Executive member hi mipa leh hmeichhia an inzatz tur a ni ang.
- 26.5 DHA in tul atih chuan Patron / Sr.Adviser pakhat (1) ve ve an ruat thei ang.
- 26.6 DHA huam chungah Association / Club awm zawng zawng te chu DHA ah an in Affiliate vek tur a ni.
- 26.7 Zone / Local tournament siam tur ten Tournament an siam dawn reng reng-in DHA ah ziakin phalna / hriatpuina an la hmasa thin tur a ni.
- 26.8 DHA ten tournament an siam dawn reng rengin Hockey Mizoram-ah ziakin phalna / hriatpuina an la hmasa thin tur a ni.
- 26.9 DHA chungah buaina a awm reng reng-in Hockey Mizoram in a rel fel thin ang.
- 26.10 DHA chuan Hockey Mizoram Dan huam chungah an District inrelbawlna dan tur an siam thei ang.
- 26.11 District Hockey chungah buaina a awm anih chuan Hockey Mizoram executive committee in an thubuai a ngaihtuah thin ang.

ARTICLE - 27

DHA ELECTION

DHA hruaitu thlanna ah hengte hian Vote an nei thei ang.

- 27.1 DHA Executive member ni lai te.
- 27.2 DHA hnuai Affiliated Unit / Club tin aiawh mipa pakhat leh hmeichhia pakhat in Vote an nei thei ang.

- 27.3 Patron leh Adviser inthlanna a awm te chuan Vote an nei thei ang. (Patron leh Adviser an nei anih chuan).
- 27.4 DHA hruaitu thlanna hi Secret Ballot hmangin an thlang thin ang.
- 27.5 DHA Execuitve Committee in Returning Officer leh Polling Officer tur an ruat thin ang.
- 27.6 DHA Executive Committee in tha a tih angin inthlan dan (Post by post emaw Office Bearer awm zat vawikhata thlan chhuah tawpin)tur a rel thin ang.
- 27.7 Post by post a inthlan a nih in Vote hmusang ber chu tlinga puan tur a ni ang. Vote hmusang in ang an awm anih chuan, vote hmusang ate chu Vote hmanga thlan that leh a ni ang. Chuta an Vote hmuh ala in ang zel anih chuan Returning Officer in thutlukna a siam thei ang.
- 27.8 Post by post ni lova Office Bearer awm zat zat vawi khata thlan chhuah tawp anih chuan Returning officer kaihhraina in Post an siam thin ang.
- 27.9 DHA hruaitu thlanna neih anih dawn reng reng-in Hockey Mizoram-ah inthlan hma ni sarih (7days) ala awmin hriattirna an pe tur a ni.
- 27.10 DHA hruaitu thlanna ah hian tul a tih angin Hockey Mizoram-in Observer a tir thin ang,

ARTICLE - 28
SOURCES OF INCOME :

Pawl thil tum a lo hlawhtlin theihna tur atana sum / pawisa hmuh theih dan tur te chu hetiang hi a ni.

- 28.1 Annual Fee
- 28.2 Donation & Contribution
- 28.3 Grant from State Government or Central Government
- 28.4 Tournament Championship/Competition Prize etc.

ARTICLE - 29
PROPERTIES OF HOCKEY MIZORAM :

Pawl bungrua reng reng enkawl turin Committee-in Property in-charge a ruat ang a, bungraw neih ang ang Register-ah a ziaak lut vek ang.

ARTICLE - 30
GIFT :

Thilthlawn pek reng reng a petu emaw Registrar Firm & Society hriatpuina lo chuan tihral leh thildangah hman theih a ni lo.

ARTICLE - 31

Hockey Mizoram pawisa kum atan 1st April to 31st March a ni ang.

ARTICLE - 32

AUDIT

- 32.1 Hockey Mizoram Account-te kum tin Audit thin tur a ni ang. Chartered Accountant / Auditor-te Audit tir thin a ni ang.

ARTICLE - 33
CHAWIMAWINA :

Hockey Mizoram chuan a Member-te hnenah hetiang hian chawimawina a hlan thei ang.:-

- 33.1 International Medal la te.
- 33.2 National Level-a Medal la te.
- 33.3 North East huapa Medal la te.
- 33.4 Executive Committee in chawimawina leh lawmpuina pek tlak an awm chuan a rel chawp thei ang.

ARTICLE - 34
CHHIAT NI / THAT NI :

34.1 CHHIAT NI :

- 34.1.1 Executive Committee Member ni lai zinga boral an awm chuan, thlahna pangpar leh ralna Rs10,000 (singkhat) emaw a tlukpui thilpek emaw a hlan thin ang.
- 34.1.2 Executive Committee Member ni lai an kawppui emaw an chenpui hringtu nu leh pa leh rila rah fa emaw (chenpui) an boralin thlahna pangpar dah thin a ni ang.
- 34.1.3 Hemi bak tul dang a awm chuan Executive Committee in a rel chawp thei ang.

34.2 THAT NI :

Executive Committee Member ni lai nupui / pasal nei tur an awm a, Hockey Mizoram hminga sawmna hmuh a nih chuan lawmpuina thilpek Rs.3,000/ (sangthum) emaw a tlukpui thil emaw hlan an ni ang.

ARTICLE – 35
MANAGEMENT OF FUNDS & ACCOUNT OPERATION

Pawl sum reng reng chu bank Account-ah dahin Treasurer leh Finance Secreatry in Joint Signature hmangin an enkawl ang. Hockey Mizoram chuan a sum lakluhna te, a hman ralna te leh a thil neih zawng zawng fel takin Account-ah a chhinchiah thlap tur a ni.

ARTICLE - 36
INSPECTIONS OF ACCOUNT AND OF THE PROCEEDING OF MEETING

Member ten account bu leh Minute bu-te a tul a nih chuan eng hunah pawh an en thei ang.

ARTICLE - 37
SUBMISSION OF ANNUAL REPORT/RETURN

Kum tinin kum kal meka pawl hruaitute (Excecutive Committee) list te, pawl hmalakna report (Annual Report) President leh General Secretary sign hnan leh Chartered Accountant /Auditor's Report leh Balance sheet Qualified Audit leh sign hnan ngei Register, Firms & Societies-ah Mizoram Societies Registration Act 2005 section 18-in a phut angin thehluh thin a ni ang.

ARTICLE - 38

DISSOLUTION :

He pawl hi thiah a lo tul a nih chuan Mizoram Societies Registration Act 2005 hnuai-ah section 25 & 28 in a sawi angin hmalak tur a ni.

ARTICLE - 39

LEGAL PROCEEDINGS :

Engemaw vangin pawlin thubuai a lo nei a nih chuan President emaw General Secretary emaw, Executive Committee in Pawl aiawh tura a ruat ten Pawl ai an awl thin ang.

ARTICLE – 40

AMENDMENT :

- 40.1 Memorandum of Association leh pawl dan leh hraite siam that a tul chuan Mizoram Societies Registration Act 2005 section No.9 in a phut angin hma lak a ni ang.
- 40.2 Hockey Mizoram Constitution khawih / nghawng thei thil reng reng Executive Committee-in tul a tih chuan General Body Meeting-ah a thlen thin ang.
- 40.3 Hockey Mizoram Constitution hi siam that ngai a awm anih chuan a siam tha theitu chu Hockey Mizoram General Body Meeting a ni ang.

ARTICLE – 41

APPLICATION ACT :

He Hockey Dan bu (Constitution) hi Mizoram Societies Registration Act,2005 thuneihna hnuai a awm tura siam a ni.

Hockey Mizoram General Body Meeting, Hawla Indoor Stadium, Republic Vengthlang-a neih chuan 28th February 2020 hian Hockey Mizoram Constitution a ennawn / siamtha a, a chung a ziak tak dan leh hrai-te hi he Pawl kaihhrui nana hman turin lungrual takin kan pawm thlap a ni tih kan nemnghet e.



(LALRINFELA)
General Secretary



(ZOTHANKIMI)
President



(K.LALTHLEGLIANA)
Sr. Vice President.